

Antonio Palitta  
 IN S'ARZOLA (AMMENTOS)

2° premio (Logudorese)

So solu cun su sero...  
 Cun sas carres brujende,  
 'estidu de piore e olasina:  
 oe totta sa die app'arzoladu.  
 «Correddu» e «Malustrastis»  
 a su carignu 'e su puntorzu meu  
 rispondian a calches  
 chena brios.

Si recuit su sero,  
 e setzidu m'agato  
 subra sa pedra muda 'e s'arzola,  
 inue si setziat mannu meu  
 isettende su 'entu.  
 Unu grillu sa luna  
 giamat e caritunda  
 paret isperiare  
 a su campusanteddu,  
 ue dormit pro sempre Babbu-Canu.

«Babbu-Canu istimadu,  
 mandamilu su 'entu...»  
 «No, nebodeddu meu,  
 istanotte su 'entu  
 ch'est ninnende su mare».  
 Coment'est tunda e candida sa luna!  
 Mi paret un'arzola  
 de mannujos de prata...  
 Istademi un'iscala a bi pigare!

## NELL'AIA (RICORDI)

Sono solo con la sera... Con le carni che mi bruciano, vestito di polvere e di pula: oggi ho trebbiato tutto il giorno. "Correddu" e "Malustrastis" alla carezza del mio pungolo, rispondevano con calci spossati.

Si rincasa la sera, ed io mi ritrovo seduto sulla pietra muta dell'aia, dove si siede mio nonno aspettando il vento. Un grillo chiama la luna e faccia tonda sembra guardare verso il piccolo cimitero, dove per sempre riposa Babbu-Canu.

«Nonno caro, mandami il vento...» «No, nipotino mio, questa notte il vento sta cullando il mare». Com'è tonda e candida la luna! Mi sembra un'aia di covoni d'argento... Datemi una scala per salirvi!